

Nr 652

Eana- ja meahccedoalloministeriija ásahus**boazodoalu ja luondduealáhusaid ruhtadanlága ollašuhttimis addojuvvon eana- ja meahccedoalloministeriija ásahusa rievdadeamis**

Addojuvvon Helssegis golggotmánu 24 beaivve 2008

Eana- ja meahccedoalloministeriija mearrádusa mielde *gomihuvvojit* boazodoalu ja luondduealáhusaid ruhtadanlága ollašuhttimis addojuvvon Eana- ja meahccedoalloministeriija ásahusa (340/2001) 3 §:a 2 momeanta, 6, 11 ja 13—15 §; ja

rievdaduvvojit 2 §:a 1 momeanta, 7 §:a 1 momeanta, 8 §:a 1 momeanta čuovvovaččat:

2 §

Doarjaga ohcan

Doarjaga galgá ohcat Dálonguovlovirgedoaimmahaga áššáigullelaš doarjaga várás nannejuvvon skoviin. Jus doarjjaohcamuš lea dahkkojuvvon earáláhkai čálalaččat, de doarjaga juolludeami eaktun lea, ahte ohcamuš dievasmahttojuvvo nu, ahte devdojuvvo áššáigullelaš skovvi dahje addojuvvojit skovvis jerrojuvvon dieđut ja čatnaseamit juoga eará vuogi mielde čálalaččat. Ohcci, su ovdasteaddji dahje su fápmudan olmmoš galgá vuolláčállit ohcamuša. Ohcamušii galgá laktit čuvvosiid, mat leat namuhuvvon ohcanskovi deavdinrávvagiin.

7 §

Ruhtadoarjaga máksin

Earret nuorra eanadoalli álggahandoarjaga ruhtadoarjaga máksima galgá ohcat skoviin, man Dálonguovlovirgedoaimmahat lea nanne áššáigullelaš doarjaga máksima dihte. Skovvi doaimmahuvvo doarjaga oažžui doarjaga juolludanmearrádusa oktavuodas. Ohcamušii galgá laktit ohcanskovi deavdinrávvagiin namuhuvvon čuvvosiid.

8 §

Eanaoastinloana lokten

Eanaoastinloana oažžu loktet eanemustá guovtte earis.

Dát ásahus boahťá fápmui golggotmánu 31 beaivve 2008.

Helssegis golggotmánu 24 beaivve 2008

Eana- ja meahccedoalloministtar *Sirkka-Liisa Anttila*

Hálddahusčállli Jukka Mirvo